

职场激斗有新睇头

进入下半年,TVB又有一波新剧上线,其中三部职业剧成功引起大家注意。电视台新闻部假女主播,明争暗斗上位;警队精英有助功攻,预知未来,提前救世;检控官同大状PK,对簿公堂后私下阻挠……职场有激斗,新竞技场、新组CP,睇落都好吸引。

郭玮/文 剧照、海报/图



全员恶人力争上位

余诗曼为《新闻女王》回巢拍剧,令大家惊喜,一返嚟就担大旗做“女一”,可见高层对佢重视。呢部剧以电视台新闻部作为主战场,部门内靓女如云,主播们争上位、斗出色、抢男友……各种激斗轮番上线,余诗曼剧中嘅角色係部门的台柱、新闻界的女神,而李施嬅饰演的对手中途杀出,同佢明争暗斗;何依婷一改乖乖女形象,成日恶言相对;sexy傲娇高海宁,剧透有泼红油、反拾情节,真係够晒泼辣;仲有马国明穿插其中,暧昧的三角关系引人好奇。除咗明争暗斗的剧情,场面都好震撼刺激嚟,为还原突发新闻现场,《新闻女王》中仲有大量枪战、爆破、交通意外等场景出现。

the QUEEN of news 新闻女王

“超能使者”再次出动

早排播出嘅《隐形战队》《超能使者》等剧收视喜人,观众都期待会有续集。它们的续集未有动静,不过由这两个剧集嘅原班人马打造嘅《夺命提示》,就已经完成制作。该剧讲述一则“死亡预告”引发的一连串案件,呢剧预警係来自未来的神秘力量,定係暗中有大boss操控一切?要靠一班警队精英揭开个中秘密了。金牌监制文伟鸿再次邀请陈山聪担纲男主角,呢部剧亦係佢升呢“视帝”后嘅首部作品,同刘佩玥搭档多次之后首演CP,激情动作戏拍到道具都塌埋,两人笑言过程好爆笑。而前几部戏都同山聪饰演情侣嘅刘颖璇,今次却同张振朗搭档,被赞“全TVB最好打嘅女明星”,预告中见到佢再次穿起背心短裤,狂晒索爆身材同好身手……无论阵容定係剧情,《夺命提示》都带有《隐形》同《超能》的影子,期待佢正片出街都可以同两部前作一样咁吸引人。

关系复杂对簿公堂

律政剧一直係TVB擅长嘅剧种,马德钟与陈炜继《双生陌生人》后再次合作,喺《非常检控观》中饰演职场新对手。身为“检控官”嘅马德钟与“大律师”陈炜本身係一对旧情人,阴差阳错下变成叔嫂关系,喺法庭上唇枪舌战已经斗到不可开交,翻到屋企仲要你眼望我眼、面阻阻,复杂微妙的关系,既暧昧又带有火药味。呢部剧涉及多宗案件,办案时会用到好多法律专业术语,一班演员对此“怨声载道”,陈炜自谓记性差、难记台词,亦为出演角色剪去一把长发,挑战清爽干练嘅形象。马德钟同西装嘅配搭劲高,非常适合饰演检控官呢个角色。



后生仔女嘅夜生活可以点精彩? 近来好几部电影都係以夜晚做背景,长沙市井人会一边嗦粉一边倾计,看透人生;各怀鬼胎嘅坏蛋一起打边炉,热辣辣咁出衰“煮”意;唔食嘢可以听睡前故事,但搵唔到真爱就唔俾脚……一起趁住“夜深人静”,打开呢滴“麻辣”煲开餐啦。

郭玮/文 剧照、海报/图

麻辣夜晚 可以玩啲咩

食宵夜谈心

“霸蛮”係长沙人嘅代名词,形容佢豪爽霸气有个性,就好似湖南美食咁,热辣重口回味无穷。由尹昉、张婧仪领衔主演嘅《长沙夜生活》,发生嘅好普通的一个晚上,一群原本冇交集嘅“夜猫”相聚于一个宵夜大排档,边食边倾人生、爱情、亲情、离别等等各种情绪交织,通过一餐百感交集嘅宵夜,佢哋渐渐开始接受、和解……虽然大家际遇唔一样,但放慢脚步,大家都将内心中最柔软嘅嘢面搵翻出嚟,“霸蛮”亦有温情,互相疗愈。电影仲有张艺兴、周冬雨、王传君、何炅等人惊喜客串,一起从年轻人的视角,看看城市的烟火气。



打边炉度桥

夜深人静时,好多人中意打边炉,唔一定係肚饿,主要係将新鲜食材焗下焗下,焗到热辣辣再食落口,嘅种口感好畅快。喺《没有一顿火锅解决不了的事》中,讲述一群心怀鬼胎嘅人,佢哋贪婪、多疑、狡猾,令分赃过程矛盾升级,边食火锅边设计,产生了层出不穷嘅悬念,一餐火锅解决到佢哋咩问题? 剧情越变越悬……杨冪化身“人狠话不多”嘅化妆品电商,性格泼辣火爆,一听就有麻辣feel。于谦剧中嘅角色负责管理小戏台,因产权问题有啲头赤。几个人都希望呢餐火锅中获得最大利益,局中有局、计里有计,在人算不如天算嘅故事里,最后边个会得偿所愿?



锡锡搵真爱

夜晚除咗食,最啱就係听童话故事! Sweet Sweet 嘅《睡美人》大家听得多,反转成“睡王子”嘅故事听落就好鬼鬼;一吻定情、一吻青蛙变王子嘅故事,你哋都听过,但一锡人哋会翻着嘅奇葩设定,又几耐人寻味。《三贵情史》中嘅男主角,因为“天神眷顾”得到特异功能,凡係俾佢锡过嘅人都会沉睡过去,直至到佢搵到自己嘅真爱……唔锡又唔知係米真爱,锡咗人哋又唔知点算,胡先煦饰演嘅三贵为咗破除个奇怪嘅魔咒,都只能努力锡锡啦。童话故事都有happy ending嘅,三贵会遇到改变佢命运嘅女仔,一起携手展开有趣的冒险活动。

